

# Куьредин хабарар

Сулейман-Стальский райондин  
общественно-политический газет  
1931-йисалай акъатзава

Жуван халкъдиз, жуван намусдиз  
хъиз, вафалу жен...

Стал Сулейман



Газет гъафтеда садра акъатзава

№10 (26589) Хемис, 7-март, 2024-йис

Маса гунин кьимет азадди я

## ТЕБРИК

За кез, гъурметлу райондин дишегълияр, алукузавай Виридуьньядин дишегълийрин югъ тир 8-Мартдин сувар риклин сидкъидай мубаракзава.

Вири девирра инсандин уьмуьрда лап къени, лап экуь ерийрин лишан яз хъайи дишегълидиз кьелелай, рикливай гъурмет ийизвайди ва адалай рази тирди и юкьуз чна кьетлендаказ кьалурзава. Зун инанмиш тирвал, кез хас тир камаллувал, риклин чимивал, жавабдарвал вини дережада гьисс авун хътин лап хъсан ерийри гележегдани обществада исягъвал, сад-садан гъавурда акъун мягкемаруниз, чи хайи район яшайишдин, экономикадин ва руьгъдин жигъетдай вилик финиз кьуллугъда.

Зи патай кез, куь багърийриз мягкем сагъламвал, хушбахтлувал хъана кьанивилин риклин сидкъидай тир келимаяр къабула.

«Сулейман-Стальский район» муниципальный райондин Кьил

С. Темирханов



Хабарар. Хабарар. Хабарар.

## Райондин тиварни къуна

СМИ-дин такъатра гегеншдаказ хабар гайивал, Дагъустандин Кьил Сергей Меликова ТАСС-да пресс-конференция кьиле тухвана. Ана 50-далай виниз масовый информациядин такъатрин векилри иштиракна.

Пресс-конференциядал Сергей Меликов республикада яшайишдин жуьреба-жуьре хилера авай гъаларикай, регион экономикадин жигъетдай вилик тухун патал гъялна кьанзавай месълайрикай рахана, агалкъунарни авай кимивилер кьейдна, журналистрин суалриз жавабар гана.

Кьилди къачуртла, региондин Кьили кьейд авурвал, дагълух районра интернатар эцигунихъ еке метлеб ава. И карди аялриз хъсан еридин образование гудай рекъер ачухда. Чешне яз, Сергей Меликова Сулейман-Стальский района эцигдай школа-интернатдин тиварни къуна.

## Футболдин школа ачухдайвал я



Дагъустан Республикадин Кьилин меслягчи (советник) Зарема Магъмудова, «Центр поддержки гражданских инициатив РД» АНО-дин директор Руслан Магъмудов ва «Динамо Махачкала» футболдин клубдин генеральный директордин заместитель Савелий Козлов кьвалахдин рекъай Сулейман-Стальский района хъана. Абуру агунин асул метлеб райондин образованидин са идарадин бинедал алаз «Динамо Махачкала» ФК-дин академиядин пагав футболдин школа ачухунин месъладиз килигун тир.

Райондин Кьил Саид Темирханова хъ ва райадминистрациядин жавабдар работникрихъ галаз Махачкъаладай атанвай мугъманар «Футбол в школе» проект уьмуьрдиз кечирмишзавай школайриз фена, анра футболдин школа ачухунин мумкинвилериз килигна.

«Динамо Махачкала» ФК-дин векил Савелий Козлова района футболдин школа ачухунин инфраструктурадин мумкинвилериз еке кьимет гана.

Райондин Кьил Саид Темирханова муниципалитетда «Динамо Махачкала» ФК-дин академиядин школа ачухун хъсан кар тирди кьейдна, ихътин теклиф гъунай мугъманриз чухсагъул лагъана ва и месъладиз вири патарихъай куьмек гуз гъазур тирди кьейдна.

Райондиз мугъман хъунин сергъятра аваз ДР-дин Кьилин меслягчи Зарема Магъмудова, АНО-дин директор Руслан Магъмудова ва «Динамо Махачкала» ФК-дин генеральный директордин заместитель Савелий Козлова районрин арадинди тир «Кюре» футболдин лигадин сезон агалунин мярекатдани иштиракна.

Лагъана кьанда, футболдин «Кюре» лига Кеферпатан Кавказдин федеральный округдин жегъилрин проектрин гъалибчи яз гьисабна ва ада грант къачуна.

Райондин Кьил Саид Темирханова, Руслан Магъмудова ва Савелий Козлова лигада гъалиб хъайи Сулейман-Стальский райондин, приздин чкаяр кьур Докъузпара ва Мегъарамдхуьруьн районрин командайрив призар вахкана.

## Еке метлеб авайди кьейдна

Сулейман-Стальский райондин Кьил Саид Темирханова кьейд авурвал, Россиядин Федерациядин Президент Владимир Путина Федеральный Собранидиз ракъурай Чарчихъ уьлкве гележегда вилик финин рекъе еке метлеб авайди, ада стратегиядин метлеб авай гзаф хилер тайинарзавайди кьейдна. Президентди милли хатасузвал ва

агъалияр международный террориствилеин хаталувиликай хуьн патал кар алай рекъер тайинарнава. Россияди аслу туширвал ва хатасузвал хуьн патал женг тухузва. Россия гъар гъихътин хъайитлани кьурхуйриз жаваб гуз ва садвал хуьз гъазур я.

Чарчи мад сеферда кьалурна хъи, Россия вири вичихъ авай ва аслу тушир, умудлу камаралди виликди физвай, вири месълаяр чпин кьуватралди гъялиз жедай уьлкве я, ида уьлкведин граждандриз экономикадин гзаф хилерай ва социальный рекъерай вилик фидай мумкинвал гузва.

Президентди чи вилик цийи везифаяр эцигнава, абуру гъялун, уьлкведи цуьк акъудун, граждандрин яшайиш хъсанарун патал чун чалишмишни жеда.

## «Хайи школадиз савкъат ая»

Дагъустандин Кьил Сергей Меликова кьил кутур «Хайи школадиз савкъат ая» эстефетдин тереф хуьн яз ДР-дин гражданский оборонадин краарай, кьетлен гъаларай ва тьебиатдин бедбахтвилер арадай акъудунин министрдин везифаяр вахтуналди тамарзавай Надим Велиханов, Сулейман-Стальский райондин Кьил Саид Темирхановни галаз, Экенрин школадиз мугъман хъана, кьелзавайбурухъ галаз хъайи гъуруьшдал абурув спортдин инвентарь вахкана.

Надим Велихановавай эстафета Саид Темирханова къабулна.

Школадихъ галаз мукъувай таниш хъайила малум хъайивал, школадин дарамат капиталнидаказ ремонт хъувунин лазимвал ава. Алай вахтунда школада 18 аялди кьелзава, хуьре школадин яшда авай аялрин къадар 60-далай виниз я.

Райондин Кьил Саид Темирханова кьейд авурвал, Экенрин школа ва чтуру гьалда авай образованидин маса объекттар капиталный ремонтар ийидай программадик кутур патал документар гъазурунин патарихъай райадминистрациядин талукъ кьуллугъриз тапшуругъар гуда.

## Чемпион тебрикна

Райондин администрацияда ММА Ориенталдай дуьньядин чемпион Мансур Асварова хъ галаз гуьруш кьиле фена.

Райондин Кьил Саид Темирханова ери-бине ДаркГуш-Къазмайрилай тир Мансур Асвароваз чехи агалкъун мубаракна, адав Чухсагъулдин чар вахкана.

Райондин Кьили хуш келимаяр Мансуран тренер, азаддаказ кьуршахар къунай ДЮСШ-дин тренер-преподаватель Замир Абдукамаловазни лагъана.

Гуьруьшдал тебрикдин келимаяр гваз райадминистрациядин Кьилин 1-заместитель Лацис Оруджев ва Спорткомитетдин директор Чингиз Абдулмежидовни рахана.

## Куьмекдин гьил яргъи авуна

Райондин Кьил Саид Темирханов Къасумхуьрел ва Герейханован хуьре кьвалер цай къуна кайи 4 хизандихъ галаз гуьруьшмиш хъана ва абуруз администрациядин работникрин патай пулунин такъатрин куьмек гана.

Къейд авун лазим я хъи, цай къуна канвай кьвалер эциг хъувун ва хизанриз куьмек гун патал пулунин такъатар алай вахтунда Мергъеметлувилин «Инсан» ва «Адалат» фондари кьватгъава.

Бедбахтвилеин дуьшуьшрикди зарар ва хасаратвилер хъайибуруз социальный жигъетдай куьмек гун муниципальный власти ва Мергъеметлувилин фондари чпин буржи ва намусдин кар яз гьисабзава.

Хазран Къасумов

## Ватанпересвал

## Чи жегъилар къегъалар я

Общественный хатасузвал хуьнин рекъай райадминистрациядин Къилин заместитель Абуталиб Фатулаев отпусказид хтанвай СВО-дин иштиракчяр - Цийи Макъарилай тир Росгвардиядин контрактник Марат Агъарзаевахъ, гуьгъуьнлай Агъа-СтГал-Къазмайрилай тир «Каспий» твар алай добровольческий составдик къуллугъзавай Мирзезала Мустафаевахъ галаз гуьрушмиш хъана. Аскерри СВО-да гранатометчикар яз чпин военный тапшуругъар къилиз акъудзава.

Абуталиб Фатулаева аскерривай дерди-гъалдикай хабарар къуна, СВО-дин иштиракчийриз гузвай социальный куьмекрикайни лагъана.

Анал Марат Агъарзаева вичиз яшайишдин квал эцигдай чилин участок чара авунин патахъай куьмек гун тгалабна.

Аскеррин тгалабунар Абуталиб Фатулаева вичин гуьзчивилик къачуна ва абуруз чандин сагъвал, хизандин хушбахтвал, махсус военный серенжем фад къубътягъ хъун къазвайдакай лагъана.

## Ватанпересвал къалурналди

Сулейман-Стальский районда администрацияди, военный комиссариатди ва талукъ маса къуллугъри жегъилар контрактдин къайдада Россиядин Яракълу Къуватрин жергейриз къуллугъ ийиз рекъе тун патал еке кваллах тухузва. Ида вичин нетижани гузва: Ватандиз контрактдай къуллугъзавай жегъилрин къадар артух жезва.



И йикъара Къасум-хуьрелай тир 56 йисан яшда авай Рейфудин Рустамова вичиз Яракълу Къуватрин жергейра контрактдай къуллугъ ийиз къанзавайдакай хабар гана.

Контрактдай къуллугъ ийиз къанзавай Рейфудин Рустамов общественный хатасузвал хуьнин рекъай райадминистрациядин Къилин заместитель Абуталиб Фатулаева къабулна, ватанпересвиляй къегъалдиз чухсагъул лагъана.

Абуталиб Фатулаева контрактник Рейфудин Рустамоваз Мергъеметлувили «Умуд» фондунин патай 100 агъзур манат пул гана, адахъ мягъкем сагъламвал, къуллугъда агалкъунар хъана къанзавайди лагъана.

## «Аскер хва – дидедин дамах»



И йикъара Цийи-Макъарин хуьруьн библиотекада СДК-дин пешекаррихъ галаз санал хуьруьн СВО-да иштиракзавай аскеррин дидейрихъ галаз «Аскер хва – дидедин дамах» твар алай мярекат къиле фена.

Мярекатда хуьруьн поселенидин къил Асамудин Къазиагъмедова, библиотекадин заведующий тир Милейсат Ибрагъимовади аскеррин дидейриз хуш келимаяр, абурун аскер рухвар сагъ-саламатдиз чпин хизанрин патав хтана, дуьнья ислягъ хъана къанзавайдакай ихтилатар авуна.

Мярекатда хуш келимаяр амай иштиракчийрини лагъана. Библиотекадин келчийри анал ватанпересвилин шиирар келна.

## «Игитдин Парта»

«Сад тир Россия» партиядин ватанпересвилин «Игитдин Парта» проектдин сергъятра аваз Агъа-СтГалрин юкъван школада махсус серенжемдин иштиракчи Абдулкагъяр Гъажимирзоеваз парта шад гъалара ачухна.

Мярекатда ветеранрин Советдин председатель Исламан Ризаева, аскердин диде Мая Гъажимирзоевади, муаллимири ва школьникри иштиракна. Мярекат къиле тухвайди тербиядин рекъай директордин заместитель Румина Мегъамедова я.

Абдулкагъяр Гъажимирзоева школьникриз ватанпересвиликай, СВО-да къиле физвай жергейрикай, аскеррин игитвилерикай ихтилатар авуна.

Аялри аскердиз жуьреба-жуьре суалар гана, хуш келимаяр, чухсагъуларни лагъана. Игитвилелди ватан хуьзвай аскер тербияламышунай аскердин диде Маядизни еке тир чухсагъул лагъана. Аскердин парта ачухунин ихтияр адан къве хъиз гана.

Лена Саидова

## Рази жедай къимет гана



Алатай гъафтеда Эмин-хуьруьн поселенидин депутатрин Собранидин гегъенш заседание къиле фена. Адан кваллахда райадминистрациядин векил яз хуьруьн майишатдин ва суьсетдин управленидин начальник Къазиагъмед Къазиагъмедова, хуьруьн агъ-сакъалрин Советдин членри, образованидин, культурадин идарайрин руководителри, хуьруьн майишатдин карханайрин векилри, хуьруьнвийри иштиракна.

Заседанидал 2023-йисуз хуьруьн поселенидин админи-

страцияди тухвай кваллахдикай АСП-дин къил Сабир Юбегова гъахъ-гъисабдин рахунар авуна. Ам вичин рахунра налогар кватгунин, муниципальный майишатдин объектар актуализация авунин, общественный территорияр аваданламышунин, агъалияр газдалди, эквералди, хъвадай ва дигидай целди таъминарунин, СВО-дин иштиракчийрин ва абурун хизанрин гъакъиндай къайгъударвал авунин, хуьруьн майишатдин метлеб авай чилерикай тамамвилелди менфят къачунин ва маса месэлайрал

## Яхъурни цикъвед йисан вилик

Жуван хайиди тир райондин 95 йис тамам хъунихъ галаз алакълу яз за вилик йисара акъатай райондин газетдин вахтунни хъини авунвай нумрайр гъилелай ийизва. Макъалайрай гъа вахтара районда тухвай кваллахар, агалкъунар акъазва. Мадни, куьгъне газетар келалайла, за гъа йисарни къенин вахтар, район феий рехъ гекъиъзава, веревирдер ийизва.

Ингъе, за 1972-йисан 8-июлдиз (киш югъ) 82-нумрадиз кваз акъатай «Коммунизмдин гатфар» газет кел хъийизва. Газетдин 1-чина «Райондин Гуьрметдин доскада» рубрикадик кваз акъуднавай макъалада 1972-йисан магъсулар кватгунин карда къазанмишнавай агалкъунрай райондин Гуьрметдин доскадиз Герейханован тварунихъ галай, «Агасиевский», «Калининский» ва «Касумкентский» совхозрин комбайнерар тир Абдулгъаниев Абдуразакъ, Гъажимегъамедов Имирбег, Хайирбегов Магъмуд, Шабанов Шабан ва Латифов Мубгъуьдин (абуру кватг хъувур текилдин къадарни къалурна) тварар акъуднавайдакай хабар гузва.

Газетдин 2-чина КПСС-дин райкомдин секретарь Рамазан Эминова кхъенвай «Чи район виликдай ва гила» чехи макъала гана.

Яхъурни цикъвед йисан вилик райондихъ гъихътин агалкъунар, хъсан крар хъана, гъикъван багъларни уьзъмлухар, образованидин ва культурадин идараяр авай? И ва маса суалриз макъаладай жавабар жагъизва. ИкI, газетда кхъизвайвал, районда 8 совхоз (виликан 37 колхоздин чкадал) текилнава. Райондин майишатра 4200 гектар багълар, 2472 гектар уьзъмлухар ава...

Райондин майишатрихъ 257 трактор, текил кватгдай 34 комбайн, 133 автомашин ва хейлин маса техника ава...

Райондин совхозра ва хуьруьн майишатдин маса идарайра агрономар, зоотехникар, ветеринариядин духтурар яз 123 кас пешекарри кваллахзава. Совхозар чпин кадрийралди, механизаторралди, комбайнерралди, шоферралди ва маса пешекарралди таъмин я.

Райондихъ культурадин рекъайни агалкъунар ава. Алай вахтунда райондин 10 юкъван, 17 муьжуд йисан, 19 сифтегъан школайра кваллахзавай 685 муаллим чкадин кадрийар я. Абуру 12576 аялдиз дерин чирвилер ва тербия гузва.

Зегъметчийриз культурадин рекъай къуллугъ авунал районда 47 культурадин макан машгъл я. Абурун жергеда 22 библиотека, са музей, музыкальный школа, са автоклуб, 20 киноустановка ава.

Агъалийриз сагъламвиллин рекъай къуллугъ авунин карда 141 медроботникди, 115 койкадин райбольницади, 15 койкадин участковый больницади кваллахзава.

гегъеншдиз акъазна.

Райадминистрациядин векил Къазиагъмед Къазиагъмедова заседанидал районда социальный ва экономикадин рекъерай, госпрограммаяр ва кар алай проектар уьмуьрдиз кечирмишуникай, общественный территорияр дуьзмишуникай, СВО-дин иштиракчийрин ва абурун хизанрин гъакъиндай ийизвай къайгъударвилерикай, и жигъетдай къилиз акъудзавай кваллахрикай, талукъ мисалар гъиз, гегъенш рахунар авуна.

Гъелбетда, хуьре хъувуна къанзавай кваллахар, гъална къанзавай месэлайрини тимил амач. Абурукай мярекатдал рахай райондин Собранидин депутат Абдулнасир Мегъамедкеримова, АСП-дин агъ-сакъалрин Советдин председатель Тагъир Рамазанова, Етим Эминан музейдин директор Гъайбатулагъ Манатилова, хуьруьнвийр тир Ильяна Рамазановади, Садилагъ Селимова, Къазибег Савзиханова, Руслан Мегъамедова ва масабур лагъана.

Заседанидал 2023-йисуз хуьруьн поселенида тухвай кваллахдиз рази жедай къимет гана.

«Шад жедай кар ам я хъи, чпихъ са жуьрединни мумкинвилер авачир, къулухъ галамай куьлуь тир дагълух хуьрер дуьзендиз куьчаруналди, райондин картадал чехи, чпихъ гележегдин еке мумкинвилер авай цийи хуьрер арадал атанва. Абурун жергеда Аламише, Цийи-Макъар, Дарклуш-



Къазмаяр, Цийи Испикар ва масабур ава. Алай вахтунда райондин саки вири хуьрера 70-80 процентдив агакъна агъалийрин квалерин къаварракъ, шифер яна кевирнава», - кхъизва КПСС-дин райкомдин секретарь Рамазан Эминован макъалада.

... Гуьрметлу газет келзавайди, эгер чна райондихъ 1972-йисуз хъайи агалкъунар, районда аваз хъайи образованидин, культурадин, здравоохраненидин идараяр, хуьруьн майишатдин карханаяр ва абурухъ авай техника къенин йикъан агалкъунрихъ, идарайрин ва карханайрин къадардихъ галаз гекъиъгайта, гъелбетда, тафават лап екеди я. Ида къалурзава хъи, 95 йисан девирда чи багъри район йисандавай-суз вилик фена, агъалийрин яшайишдин дережа хъсан хъана. Вилик финин рехъ районди давамни ийизва.

Хазран Къасумов

## КъетIен бажарагъдин сагъиб

Дагъустандин халкъдин шаир СтIал Сулейманан 155 йисан юбилейдиз гъазурвилер акунин мярекатра активвилелди иштирак авунай Сулейман-Стальский райондин библиотекайрин центральный къурулушдин (ЦБС-дин) художник-оформитель Лариса Рамазанова Мергъеметлувилини «Умуд» фондунин патай Чухсагъулдин чарчиз ва пулдин пишкешдиз лайихлу хъана.



... Художник – им къетIен пешекарвал я. Инсанрин суьретар, тебиатдин гуьзел чкайрин шикилар чIугун, чепедикай, хъенчикай кIалубар арадал гъун, парчадал гъаларалди нехишар агIун ва ихътин маса алакьунар гъар кIкай инсандихъ жедач. Ибур анжах чпихъ акьалтIай бажарагъ авайбурун тIем акакьдай крар я. Бажарагъ аламатдин затI я. Маса гафаларалди лагъайтIа, бажарагъ шукур хъайи Халикьди инсандиз гузвай пай я. Инал чаз вичикай ихтилат ийиз кIанзавай Лариса Борисовнадиз хъиз.

Л. Рамазановадин (Мороз) ери-бине Украинадай я. Ам Полтавадин областда са хуьре дидедиз хъана. Школа 1991-йисуз Пирятин шегъерда акьалтIарна. Ада чаз ихтилат авурвал, гъеле школада кIелзавай йисара ам шикилар, суьретар чIугунал, чепедин накъвадикай жуьребажуьре къапар, кIалубар авунал машгъл хъана. Гъавилай школа акьалтIарай Лариса Гоголяна

тIварунихъ галай Пирятин шегъердин керамикадин техникумдик экечIна. Ина ада тежрибалу педагогрин-художникрин гъилик вичин рикI алай пешедай чирвилер ва тежриба къачуна, 1996-йисуз ада техникум акьалтIарна, вичин пешедай кIвалахна.

Къисметни аламатдин затI я. Къисметди инсан, гару ягъай пеш хъиз, вичиз кIандай чкадиз акъудда. Лариса Борисовна къисметди Дагъларин улкъедиз, вичиз гъахълудаказ «Ширатдин Мекка» лугъузвай Агъа-СтIалдал акъудна.

- Зун Дагъустандиз, камаллу ва мугъманперес лезги халкъдин арадин аватунал къадавар авачир къван шад я, - лугъузва Л. Рамазановади. – Захъ ина гъуьрметлу хизан хъанва, зун зи рикI алай пешедал машгъл я. Мад вуч кIанда инсандиз бахтлу хъун патал?

Лариса Борисовнади, чна видидихъ лагъайвал, 2000-йисалай райондин ЦБС-да художник—

оформитель яз кIвалахзава. Ада кхъизвай плакатри, чIугузвай суьретрини шикилри, стендри неинки центральный библиотекардин, гъаКни хуьрера кардик квай адан филиалрин къежел ва къене пагар безетмишнава.

Алай йисуз районда СтIал Сулейманан 155 йис тамам хъунин мярекатар виниз тир дережада аваз тухуни Лариса Борисовнадин къайгъуяр артухарзава: ада ЦБС-дин хуьрера кардик квай филиалриз XX асирдин Гомераз талукъарна хейлин плакатар, стендар гъазурна, и кар давамни ийизва.

Лагъана кIанда, Л. Рамазановади 2023-йисалай райондин художественный школадани художник-педагог яз кIвалахзава, художниквилдин сирер жаван гадайриз ва рушариз чирзава.

Адан гъилик суьретар ва шикилар чIугунин рекъай вердишвилер къачузвай ва художниквилдин сирер чирзавай са шумуд аялди мукъвара СтIал Сулейманан яратмишунрай шикилар чIугунай районда тухвай конкурсда приздин чкаяр къуна.

- Лариса Борисовнадин кIвалахдикай, пешекарвилдин дережадикай хъиз, чавай адан инсанвилдин ерийрикай, къилихдикайни развилдин хуш келимаяр лугъуз жеда, - лугъузва ЦБС-дин директор Назилия Шихбабаевади. – Чи дуствилдин коллективда хъиз, адаз хуьрекIвалени еке гъуьрмет ава.

Чаз малум хъайивал, Лариса Борисовна пуд велелдин мегърибан дидени я. Мадни шадвал кутадай кар я хьи, адан руш Эльвирадихъ ва гада Абдулахъ шикилар чIугунин рекъай алакьунар ава.

Виридуьньядин дишегълийрин сувар мубарак авуналди, эхирдай чаз лугъуз кIанзава: вахъ мягъкем сагъламвал, рикI алай кIвалахда агалкъунар ва хизандин бахтлувал хуьрай, гъуьрметлу Лариса Борисовна!

Текст кхъейди ва шикил ягъайди Хазран Къасумов я

## Выставкада – приздин чкаяр

Сулейман-Стальский райондин аялрин художественный школадихъ республикадин дережада жезвай хъсан нетижайрикай чи газетда гегъенш макъала кхъенай. Чаз малум хъайивал, адалай гъуьгъуьнзин школадин педагогри ва аялри мадни са шумуд выставкада иштиракна, анра агалкъунар къазанмишна.

ИкI, мукъвара «Дагестанский научно-исследовательский институт педагогики им. А. А. Тахо-Годи» ДР-дин ГБУ-дин 80 йис тамам хъуниз талукъарна «Художник-педагог» республикадин конкурс къиле фена. Ана республикада кардик квай саки вири художественный школайрин педагогри иштиракна. Абурун арада республикада тIварунав авай художникар-пешедин устадар авай.


Чи райондин художественный школадин художникар-педагогар тир Бажихалум Меликова-

дин ва Абдулвагъаб Рамазанован кIвалахриз жюриди хъсан къимет гана, абур приздин чкайрилиз лайихлу хъана. Идай ганвай дипломи Б. Меликовадин ва А. Рамазанован пешекарвилдин виниз тир дережадин патяхъай ачухдиз шагъидвал ийизва.

Мадни, республикадин конкурсда тафаватлу хъунай школадин руководстводин тIварцIел ДР-дин культурадин министерстводин методический центрадин директордилай Чухсагъулдин чарни хтана.

Чаз мадни малум хъайивал, алай вахтунда Бажихалум Меликовади, Абдулвагъаб Рамазанова, школадин амай художникри-педагогри ва аялри Дагъустандин халкъдин шаир СтIал Сулейманан 155 йис тамам хъуниз талукъарнавай шаирдин суьретдин ва шикилрин выставкадиз гъазурвилер аквазва.

Х. Гъажибалаев



## ПОСТАНОВЛЕНИЕ №50 от 1 марта 2024 г. О внесении изменений в постановление администрации муниципального района «Сулейман-Стальский район» от 27.11.2020 г. № 697 А

В целях уточнения состава межведомственной комиссии, утвержденной постановлением администрации муниципального района «Сулейман-Стальский район» от 27.11.2020 г. № 697 А «Об утверждении Положения о межведомственной комиссии по признанию помещения жилым помещением, жилого помещения непригодным для проживания и многоквартирного дома аварийным и подлежащим сносу или реконструкции, находящихся в федеральной собственности, в муниципальном жилищном фонде, и частного жилого помещения пригодным (непригодным) для проживания, садового дома жилым домом и жилого дома садовым домом, расположенных на территории муниципального района «Сулейман-Стальский район», руководствуясь Уставом муниципального района «Сулейман-Стальский район», постановляю:

1. Внести изменение в постановление администрации муниципальнорайона «Сулейман-Стальский район» от 27.11.2020 г. № 697 А, изложив позицию приложения № 1 в новой редакции, согласно приложению к настоящему постановлению.

2. Опубликовать настоящее постановление в газете «Кюринские известия» и разместить на официальном сайте администрации муниципального района «Сулейман-Стальский район» в сети «Интернет».

3. Контроль за исполнением настоящего постановления возложить на первого заместителя главы администрации муниципальнорайона «Сулейман-Стальский район» Оруджева Л.А.

Глава муниципального района С. Темирханов

### СОСТАВ

**межведомственной комиссии по признанию помещения жилым помещением, жилого помещения непригодным для проживания и многоквартирного дома аварийным и подлежащим сносу или реконструкции, находящихся в федеральной собственности, в муниципальном жилищном фонде, и частного жилого помещения пригодным (непригодным) для проживания, садового дома жилым домом и жилого дома садовым домом, расположенных на территории муниципального района «Сулейман-Стальский район»**

**Председатель межведомственной комиссии:**

**Оруджев Л.А.** - первый заместитель главы администрации муниципального района «Сулейман-Стальский район»

**Заместитель председателя межведомственной комиссии:**

**Казанбеков Г.Н.** - директор МБУ «Управление муниципального имущества и землепользования» администрации муниципального района «Сулейман-Стальский район» Секретарь комиссии:

**Рагимов В.Р.** - заместитель начальника отдела архитектуры и градостроительства администрации муниципального района «Сулейман-Стальский район»

**Члены комиссии:**

**Мейланов Р.Л.** - начальник МБУ «Управление капитального строительства» администрации муниципального района «Сулейман-Стальский район»;

**Алисенов В.И.** - начальник отдела архитектуры и градостроительства администрации муниципального района «Сулейман-Стальский район»;

**Салыхов Р.И.** - главный специалист (технадзор) МБУ «Управление капитального строительства» администрации муниципального района «Сулейман-Стальский район»;

**Исмаилов М.М.** - начальник правового отдела администрации муниципального района «Сулейман-Стальский район»;

**Нежведилов И.Э.** - и.о. директора МКУ «Жилищно-коммунальное хозяйство и благоустройство» администрации муниципального района «Сулейман-Стальский»;

**Бремов Ж.Б.** - начальник ГКУ РД УСЗН в МО «Сулейман-Стальский район» (по согласованию);

**Магомедова Д.М.** - начальник ТО управления Роспотребнадзора по РД в Сулейман-Стальском районе (по согласованию);

**Джамиев Р. Дж.** - начальник ПЧ-53 с. Касумкент ГКУ РД «ППС РД» (по согласованию)

**К работе в комиссии привлекается:**

- собственник жилого помещения (уполномоченное им лицо) (с правом совещательного голоса);

- в необходимых случаях - квалифицированные эксперты проектно-исследовательских организаций (с правом решающего голоса)

## Гуьзелвилел гьейран хьайи Марал

Чил, цав, рагь, варз мидаим я. Амма инсан патал чун яшамыш жезвайди мугьман дуьнья я. Тебиатдин къанун тирвал, къведа инсан дуьньядал, Худади гайи вахт хьайила, хьфида ам эхиратдин кваллиз. Овийди лагьайвал, «Йисар гьисабун са куьнизни туш: инсанар яргьалдини яшамыш жезва. Кар йисара авач, авур кваллахра ава – гьабур гьисабна клада».

Кьурагь райондин Кьуьчхуьррин хуьре дидедиз хьайи, 1978-йисалай та вичин уьмуьрдин эхиримжи йикьалди (2023-йисан декабралди) Сулейман-Стальский райондин центральный библиотекада кваллах авур Кьурбанова Марал Зугумовна гзаф районгьилириз хьсан пешекар, рикI михьи инсан, мегьрибан дигьегли, кваллин кьул хуьзвай кайвани яз чидай. Вичин кваллахдин везифаяр намуслукаказ кьилиз акьудунихь галаз сад хьиз, Марал Зугумовнади районда кьиле тухузвай литературадин, культурадин ва шадвиллин мярекатрал милли адетрикай, культурадикай, дидед чIал хуьникай метлебулу рахунар ийидай, вичи теснифнавай ширирар келдай. Вичел чан аламаз рагьметлудаз вичин шииррин ктаб акьудун кисмет хьанач.

Мукьвара Марал Зугумовнадин экуь кьаматдиз бахшна адан уьмуьрдин юлдаш, Дагьустан Республикадин культурадин лайихлу работник, Кьасумхуьруьн музыкальный школадин директор, машгьур музыкант Кьазибег Кьурбанова ва адан веледри «Гьикьван гуьзел я вун, Дуьнья!» тIвар алаз рагьметлудан эсеррин ктаб акьудна.

Лагьана клада, «Новый Кавказ» - «Кюринские зори» издательстводи акьуднавай ктаб 88 чиникай ибарат я.

Ктабда гьатнавай эсерар «Ди-

де-Ватан – Чил», «Зи Ватандин арифдарар», «Хизандин эквер», «Чирвилерин макан», «Гуьзел тебиат», «Бахшнавай шиирар», «Дидедин чIал», «Лезги халкьдин мисалар» кьилериз пайнава.

«Лагарин пир», «Дагьустан», «Зи Дагьустан», «Кьасумхуьр», «Кьуьчхуьр» ва маса шииррай аквазвайвал, Марал Кьурбанова хайи, гуьзел ерийрал ашукь тир. «Зи Дагьустан» шиирда рагьметлуда кхьенва:

*Дагьустан вун я чи дамах,  
Ви эллериз клан я кваллах,  
Пуд рангунин а ви пайдах,  
Кьуват я чи, зи Дагьустан.*

Вичин хайи хуьр тир еке ва баркаллу тарих авай Кьуьчхуьррин хуьруьз бахшна ингье Марал Кьурбановади вуч кхьенватIа:  
*Дагьларин хуьр, азиз Ватан,  
Кьил виневаз такабур я.  
Кьуд пад шейхер, пирер ери,  
Хайи халкьдин шагьидар я.*

*Ви рухваяр - дагьдин лекьер,  
Ватандин цай хура хьайи.  
Чахь рушарни пара хьанай,  
Зегьмет чIугтваз, гара хьайи.*

Арифдарар, шаирар, халкьдин жумарт рухваяр тир Ярагь Мегьамедаз, Куьре Меликаз, Етим Эминаз, СтIал Сулейманаз, Расул Гьамзатоваз, Сажидин Саидгьасановаз, Имам Яралиеваз, Нариман Абдулмуталибоваз, Абдурагьман Межидоваз бахшнавай шииррайни чаз Марал Кьурбановадин



кьетIен бажарагь, хагI аквазва.

Ктабда Марал Зугумовнади вичин кваллахдин юлдашриз, багьрийриз бахшна кхьей шииррихь галаз санал, рагьметлудаз вичизни бахшнавай шиирар ава. ИкI, яргьал йисара Марал Зугумовнади хь галаз гуьрметлудаказ яшамыш хьайи Кьазибег Шукурбеовича кхьизва:

*Мана-метлеб тир вун кваллин,  
Са нурулу экв тир кьве вилин,  
Кьуразва зи дамар рикIин,  
Акьат тийир тIал я, Марал.*

*Женнетдин тIям хуьй ваз  
гьалал,*

*Дарих я вахь зун кье, Марал,  
Рагь акьвазмач михьи цавал,  
Вун авачир дар я дуьнья...*

«Инсанар гьамиша чан аламаз амукьдач, бахтлу кас вичин тIвар неслири рикIера хуьзвайди я», - лагьанай Алишер Навоиди. Марал Кьурбановадин экуь кьаматни багьрийрин, ам чидайбурун рикIера амукьда. И кардиз Цийи ктабни шерик жеда.

**Хазран Кьасумов, Лезги писателрин Союздин член**

## Магьмудов Садилагь Нажмуудинович

Мукьвара чи арадай лап кьени кьилихрин инсан, чIехи ва гуьрметлу хизандин кьил, яргьал йисара кьайдаяр хуьдай государстводин органра намуслукаказ зегьмет чIугур халис ватанперес, хьсан общественник Садилагь Нажмуудинович Магьмудов акьатна.

С. Магьмудов 1940-йисан 1-февралдиз ДАССР-дин Кьасумхуьруьн райондин Сайтархуьре дидедиз хьана.

1957-йисуз Уллу-Гьетягьрин школа акьалтIарай ам Дагьустандин хуьруьн майишатдин техникумдик экечIна. 1960-1964-йисара Ставрополдин хуьруьн майишатдин институтда «Ветеринария» пешедай келна.

Вичин зегьметдин рехь С. Магьмудова Кьасумхуьруьн райондин ветеринарный духтур яз кваллах авунилай башламишна.

1965-1966-йисара СССР-дин Яракьлу Кьуватрин жергейра кьулугьна.

1967-йисалай Сулейман-Стальский, Хив, Мегьарамдхуьруьн районра СССР-дин КГБ-дин органра ва Махачкьалада Управленидин центральный аппаратда жавабдар кьуллуьгьрал кваллахна. КГБ-дин органрай отставкадиз подполковникдин чинда аваз экечIна.

Пенсиядиз экечIайдалай гуьгьуьниз С. Н. Магьмудова 1995-1997-йисара «Муктадирский» колхоздин председателвиле, 2004-2020-йисара «УВО Минтранс РФ» ФГБУ-дин Дагьустандин филиалда командадин начальник яз кваллахна. Адахь гьукуматдин наградаяр авай.

Чна Садилагь Нажмуудиновичан хизандиз, мукьва-кьилийриз башсагьлуьгьвал гуьза. Адан экуь кьамат чи рикIера амукьда.

**С. М. Темирханов, Ш. Гь. Мегьамедханов, Л. А. Оруджев, З. Н. Кьагьриманов, Э. С. Рустамов, А. Б. Фагулаев, Р. А. Абдулазизов, А. А. Мейланов, А. Б. Асланов, И. М. Ризаев, Д. С. Бабаев.**

## Тереф хуьнин кьугьун

Кьасумхуьруьн 1-нумрадин юкьван школада «За наших» лишандик кваз женгинини-спортдин «Зарница» кьугьунин муниципальный пай кьиле феда.

Мярекат райондин спортдин, туризмдин ва жегьилрин крарин рекьяй Комитетди, образованидин управленидихь галаз санал тешкилнавайди тир.

«Зарница» кьугьуна 1-чка Кьулан-СтIалрин, 2-чка Кьасумхуьруьн 1-нумрадин ва 3-чкани Цийи поселокдин школайрин командайри кьуна.

Кьугьунин вири иштиракчийриз кубокар, медалар ва грамотаяр гана.

**Х. Гьажибалаев**

## Вниманию иностранных граждан

Новые законы для мигрантов в России: изменения в миграционном законодательстве 17 января 2024. Многие нововведения в законы Российской Федерации относительно мигрантов уже действуют, а какие-то появились в начале 2024 года. Из этой статьи вы узнаете:

- Временно пребывающие в РФ иностранцы также имеют право на ОМС Корректировки в миграционном учете от октября 2023 года
- Госдума одобрил идею частично заменить меру наказания «выдворение» на штрафы
- Продолжает действовать документ РВПО
- Изменение НДФЛ платежа по патенту на работу в 2024 году
- Изменение бланка регистрации иностранных граждан

Временно пребывающие в РФ иностранцы также имеют право на ОМС. По миграционному закону (№240-ФЗ от 14.07.2022 г.), с 1.01.2023 г. все иностранные граждане и лица без гражданства все так же могут подавать заявку на подключение к системе обязательного медицинского страхования. Раньше только некоторые категории граждан имели возможность оформить бесплатный полис ОМС (граждане ЕАЭС, Беларуси и беженцы). Для того чтобы получить такой полис, иностранец должен проработать в России на законных основаниях не менее 3 лет, и его работодатель обязан платить страховые отчисления все это время. Таким образом, первое заявление на полис ОМС иностранные граждане смогут подать не ранее 1 января 2026 года. Корректировки в миграционном учете от октября 2023 года. Ранее после пересечения границы иностранным гражданином его работодатель был обязан подать уведомление о прибытии. Новые правила возлагают часть ответственности за отправку на самого иностранца. Самостоятельно регистрироваться можно, если:

- Иностранец отправляет уведомление через Госуслуги (при наличии аккаунта), при условии, что у принимающей стороны также есть аккаунт на портале.
- Собственник жилья должен предоставить согласие в электронном виде.
- Человек приехал из визовой страны, планируя проживать на месте, указанном в приглашении для оформления визы.
- Иностранный гражданин обратится в МВД или на портал Госуслуг (если есть аккаунт) при наличии заключенного договора аренды или найма жилья.

- Эти поправки вступили в силу с 26.10.2023 и будут актуальны также в 2024 году.

Комитет Госдумы одобрил идею частично заменить меру наказания «выдворение» на штрафы Согласно , решение будет приниматься в суде в индивидуальном порядке. Если иностранный гражданин платит налоги, соблюдает законы и требования к пребыванию на территории Российской Федерации и обладает жильем. Если проступок не достаточно серьезен, то вместо депортации иностранец может получить штраф на сумму от 40 до 50 тысяч рублей, а также направление на принудительные работы на срок от 150 до 200 часов.

Продолжает действовать документ РВПО. По закону, с 1 января 2023 года студенты – граждане других стран получили право оформлять разрешение на временное проживание вне квоты. Новый документ – разрешение на временное проживание для получения образования в РФ (РВПО) – будет действовать на весь срок обучения иностранного студента, а по окончании обучения можно будет подать документы на вид на жительство, вне зависимости от цвета диплома. Оформить РВПО могут студенты, находящиеся на очной форме обучения в государственных образовательных или научных организациях. Документ позволит устраиваться на работу без разрешения МВД – тогда при устройстве нужно будет указать реквизиты РВПО.

Изменение НДФЛ платежа по патенту на работу в 2024 году 1 января 2024 г. по Приказу Минэкономразвития № 730 от 23.10.2024 г. изменился размер ежемесячного авансового платежа по патенту на работу. Точнее, был установлен новый коэффициент-дефлятор на 2024 год. Теперь он составляет 2,400. Ранее он составлял 1,729. Согласно новому указу, размер налога на патент устанавливается индивидуально для каждого региона РФ. Узнать его размер можно на сайте ФНС России в разделе «Электронные сервисы».Платить его нужно на счет Управления Федерального казначейства по Тульской области, вне зависимости от того, в каком регионе вы проживаете и работаете. Несвоевременная оплата приводит к аннулированию патента – будьте внимательны.

Изменение бланка регистрации иностранных граждан Бланк уведомления о прибытии (регистрации) иностранца по месту проживания обновился в прошлом году. С 1 января 2023 года для постановки на миграционный учет использовалась новая форма бланка. В 2024 изменений не ожидается.

**Руководство ОМВД**

### «КЮРИНСКИЕ ИЗВЕСТИЯ»

(на лезгинском языке)

Тешкилатчи: Сулейман-Стальский райондин администрация

Кьилин редактор А. М. Мирзалиева

Редакциядин ва издателдин адрес: 368760, Кьасумхуьр,

СтIал Мусаибан куьче, 3. Телефон: 89064505740

Печатдин кIвал

Газетдин электронный почта kizvestiya86@mail.ru

Газета зарегистрирована Южным окружным межрегиональным территориальным управлением по делам печати, телерадиовещания и средств массовых коммуникаций, регистрационный номер ПИ №10-4325 от 28.01.2002г.

Редакциядинни макьалайрин авторрин фикирар сад тахьун мумкин я. Макьалайрин, абур гьизвай делилрин дуьзвиллин патахьай жаваб авторри чпи гуда. Макьалайриз рецензияр гуьзвач ва абур элкьвена вахьузвач.

Чап ийиз вахькудай вахт 15:00. Чап ийиз вахькана 10:30

Газетдин индексар: Йисан – 63323; Зур йисан – 51369

Газет йиса 52 сеферда акьатзава.

Гь – И лишандик квай материалар гьакьидихь чапзавайбур я.

12+ - Икьван яшар хьанвайбуру кIелрай.

Газет ООО «Типография-М» типографияда чапна, 368600, Дербент шегьер, С. Кьурбанован куьче, 25. Тираж 1450. Зак. №